

Qamutit motorillit akileraarutaat pillugit Inatsisartut inatsisaata allannguutissaatut Inatsisartut inatsisaat

§ 1

Qamutit motorillit akileraarutaat pillugit Inatsisartut inatsisaanni nr. 3, 16. juni 1987-imeersumi makku allanngortinneqarput:

1. § 2, *imm. 1*, litra A-mi allassimasoq "kr. 4.440" allanngortinneqarpoq ima: "kr. 4.884"

2. § 2, *imm. 1*, litra B-mi allassimasoq "kr. 6.240" allanngortinneqarpoq ima: "kr. 6.864"

3. § 2, *imm. 1*, litra C-mi allassimasoq "kr. 8.160" allanngortinneqarpoq ima: "kr. 8.976"

4. § 2, *imm. 1*, litra D-mi allassimasoq "kr. 2.400" allanngortinneqarpoq ima: "kr. 2.640"

5. § 2-mi *imm. 4*-tut ilanngunneqarpoq:

"*Imm. 4*. Akileraarutitut akiligassat akilerneqanngitsut Kalaallit Nunaanni eqqartuussisarnermi inatsimmi kap. 7, akileraarutit akitsuutillu piumasarineqartut pinngitsaaliinikkut akilersinniarneqarsinnaaneriniq imaqartoq, tassani ilaalluni aningaasat akiligassalimmut tunniunneqartut unerartitsiffigineqarsinnaanerit, naapertorlugu akilersinniarneqarsinnaapput."

6. § 4, *imm. 1* imatut allanneqarpoq:

"*Imm. 1*. Qamutit motorillit nalunaarsorsimafframut atorunnaartutut nalunaarutigineqarpata, akileraarutit akilerneqarsimasut qaammatip atuiunnaarfiup tulliata 1-ianiit utertinneqassapput."

§ 2

Inatsisartut inatsisaat 15. november 1992-imi atuutilissaaq.

Imm. 2. § 1, nr. 1-imiit 4-mut aalajangersakkat 1. april 1993 aallarnerfigalugu atuutilissapput.

Namminersornerullutik Oqartussat, ulloq 30. oktober 1992.

Lars Emil Johansen

/

Emil Abelsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut